

Na osnovu člana 8. tačka c) i člana 185. stav 1. tačka a) Zakona o tržištu vrijednosnih papira («Službene novine Federacije BiH», broj 85/08), člana 58. Pravilnika o posredovanju u poslovima sa vrijednosnim papirima («Službene novine Federacije BiH», broj 34/09) i člana 45. Statuta Registra vrijednosnih papira d.d. Sarajevo («Službene novine Federacije BiH», broj 26/09), Nadzorni odbor Registra vrijednosnih papira u Federaciji Bosne i Hercegovine na prijedlog Uprave Registra, na XXXV–oj sjednici održanoj 04.06.2010. godine donio je :

O D L U K U
o izmjenama i dopunama
Uputstva o načinu određivanja oznaka vrijednosnim papirima
(security code)

I

U Uputstvu o načinu određivanja oznaka vrijednosnih papira (security code) , broj : 04-2-NO-XXVII-4552/09 od 16.09.2009. godine, na koje je Komisija za vrijednosne papire Federacije BiH dala saglasnosti rješenjem, broj: 04/1-19-448/09 od 06.11.2009.godine, u tački II stav 2. riječ „ sedam“ mijenja se sa riječi „ osam“.

II

U tački III. stav 1. mijenja se i glasi :

„Za emitenta iz Federacije BiH oznaka emitenta se definiše sa četiri slovna znaka, a za emitenta iz Brčko Distrikta BiH oznaka emitenta se definiše od tri slovna i jednog brojčanog znaka“

U tački III stav 3. mijenja se i glasi:

„Prva tri slova u oznaci određuju se iz naziva emitenta iz Federacije BiH, a prva dva slova u oznaci određuju se iz naziva emitenta Brčko Distrikta BiH“

U tački III u stavu 4. na kraju se dodaju riječi “Federacija BiH“.

U tački III stav 5. mijenja se i glasi:

„Četvrto slovo u oznaci emitenta iz Federacije BiH , a treće slovo u oznaci emitenta iz Brčko Distrikta BiH dodjeljuje se kako slijedi :

banka	-B
osiguravajuće društvo	- O
društvo za upravljanje fondom	- D
fond	- F
ostali emitenti	-

- prvo slovo mjesta u kojem je sjedište emitenta. Ukoliko mjesto u kome je sjedište emitenta počinje sa slovima B; O; F i D, slovo se zamjenjuje prvim narednim suglasnikom. Ako se kod dva emitenta sličnog naziva i sjedišta u mjestu istog početnog slova, odredi ista oznaka, kod emitenta koji je kasnije podnio zahtjev za registraciju drugo slovo u oznaci zamjenjuje se za prvi naredni suglasnik.“

U tački III vrši se dopuna sa novim stavom 6. koji glasi:

„Četvrti znak u oznaci emitenta iz Brčko Distrikta BiH je broj 9“.

Dosadašnji stav 6. postaje stav 7.

III

U tački IV. stav 7. mijenja se i glasi:

„Za oznake iz stava 2. ove tačke podtačke 13. do 19. nakon prve emisije vrijednosnih papira, osnovnoj slovnoj oznaci dodjeljuju se redni brojevi za svaku slijedeću emisiju“.

IV

Ovo uputstvo stupa na snagu danom davanja saglasnosti Komisije za vrijednosne papire Federacije Bosne i Hercegovine rješenjem broj : 04/2-19-209/10 od 08.07.2010.godine.

Ovo uputstvo objavljuje se na web stranici Registra : www.rvp.ba .

Broj : 04-2-NO-XXXV- 2605 /10
Sarajevo, 04.06.2010 . godine

Predsjednik
Nadzornog odbora

Prof.dr Adnan Rovčanin

